

Dato' Lela Bakti
Setiausaha Sulit Kepada D.Y.M.M. Sultan Selangor

Dato' Lela Bakti
Private Secretary to H.R.H. The Sultan of Selangor

Istana Alam Shah
41500 Klang, Selangor,
Malaysia



CERTIFIED TO MS ISO 9001:2015
Registration No : AR 5085

بِقِيَابَةِ دَوْلِي بِيغِ مَهَامَلِيَا سُلْطَانِ سِيْلَاغُوْرَا

KENYATAAN AKHBAR D.Y.M.M. SULTAN SELANGOR

Menjelang bulan Ramadan 1441 Hijrah yang dijangka bermula pada hari Jumaat 24 April 2020, saya telah dititah oleh D.Y.M.M. Sultan Selangor untuk mengeluarkan Kenyataan Rasmi seperti berikut :-

Telah menjadi tradisi kepada D.Y.M.M. Sultan Selangor pada setiap bulan Ramadan, Baginda akan mengadakan majlis berbuka puasa bersama rakyat di daerah-daerah seluruh Negeri Selangor dan menyampaikan sumbangan Hari Raya daripada Lembaga Zakat Selangor kepada asnaf dan fakir miskin di negeri ini.

Walau bagaimanapun pada bulan Ramadan tahun ini, D.Y.M.M. Sultan Selangor dengan berat hati telah memutuskan untuk **tidak mengadakan** majlis berbuka puasa dan solat tarawih bersama rakyat di masjid-masjid seluruh Negeri Selangor.

Keputusan ini diambil oleh Baginda setelah mengambil kira faktor keselamatan susulan penularan **wabak berbahaya Covid-19** yang masih belum dapat dibendung sepenuhnya dan bagi mengelak rakyat daripada risiko terkena jangkitan.

Bagaimanapun, sumbangan duit raya dan agihan zakat kepada asnaf serta golongan yang memerlukan akan diteruskan, cuma ia tidak akan disampaikan pada majlis berbuka puasa seperti tahun-tahun sebelum ini.

Untuk itu, Pihak Lembaga Zakat Selangor akan menyalurkan agihan zakat dan bantuan Hari Raya sebanyak RM500.00 kepada setiap seorang penerima dengan kaedah yang lebih selamat dan efisien, menerusi pengkreditan terus ke akaun-akaun bank penerima. .../2-

Istana Alam Shah

Tel : 603-3371 3411
Fax : 603-3371 6969

Email : pejabatdymmsultanselangor@yahoo.com

Istana Bukit Kayangan

Tel : 603-5519 3232
Fax : 603-5510 6287

Istana Mestika

Tel : 603-5519 4242
Fax : 603-5519 8181

Email : istanamestika@yahoo.com.my

Manakala, bagi penerima yang tidak memiliki akaun bank, Lembaga Zakat Selangor akan memberikan Baucer Tunai untuk dikeluarkan di mana-mana cawangan Bank Islam.

Di kesempatan ini, D.Y.M.M. Sultan Selangor menasihatkan umat Islam agar menyambut bulan Ramadan kali ini dengan menumpukan sepenuhnya kepada amal ibadat di samping sentiasa berwaspada, serta mematuhi panduan dan arahan terkini yang dikeluarkan oleh Kementerian Kesihatan serta pihak Kerajaan.

Baginda turut mendoakan agar seluruh rakyat dijauhi daripada bala bencana serta dilindungi Allah Subhanahu Wata'la, dan berharap semoga wabak Covid-19 yang melanda negara ini dapat segera berakhir supaya rakyat dapat kembali menjalani kehidupan seperti biasa, sihat sejahtera, aman dan sentosa.

"DUDUK DI RUMAH, PUTUSKAN RANTAIAN WABAK BERJANGKIT"



Dato' Haji Mohamad Munir bin Bani D.P.M.S., J.S.D.
Tarikh : 8 April 2020